



نارنج وادستان

جلد ۶ ۱۳۳۶

مجموعه

برکون بیلنیر فیستی مجموعه مک اما
پاک چوق آرانیرا ورته ده مجموعه بولمنز

ایتدک شرف خدمت احداثی فراموش
آمارینه اسلافزک رغبت اولنیز

بر نسخه نه بریرده تصادف ایدم دیکم (تذکره رامز) ک خزانه
الکتب دولترنده موجود اولدیفنی بیلورم .

کافه مصارفی طرف فقیرانه مدن تأدیه اولنق اوزره بو کتابک بر
نسخه سنک استساخ ایتدیرلسنی استرحام ایدرم .

موجب کلفت اوله جفنی بیلیمکله برابر کرم فطری عالیجنابانه لری
عبیج بر مراجعت و تنقیی رد ایله عارثوله مغه جواز کو-ترمیه چکندن
امین اولدیفنم کتبخانه دولترنده البته موجود بولنان خطاط افندی به
تعلیق خط ایله اولمازسه رقه خط ایله اولسون استساخ ایتسنک امر
بیوریه رق و ایستیه چکی بدل استساخ طرف فقیرانه مدن تقدیم اولنق
اوزره ذمت بنده کانه مده ذاتاً ثابت اولان منت و شکرانک تضعیف
بیورلسنی عرض ایدرم . اولبایده فرمان حضرت ولی العرفان افندمز کدره .
۲۰ کانون اول ۳۳۵ حریبه نظارتی مکتوبی سابق
علی رضا

جوانی

امر سامیلرخی انفاذ وجیه دن ایدی . شو قدر که بنده اولان (تذکره
رامز) غریب بر صورتده نقصاندر . بر چوق ترجمه حاللر ربغه یا خود
نصفه قدر یازلمش ایکن آلت طرفی یوق : بعض ترجمه حاللرده دخی
تذکره مزک فلان حرفنده محرر بولنان فلان ذاتک برادری و یا خود
مخدومیدر دینلدیکی حالد بیان ایلدیکی حرفلرده او اسملر غیر مندر جدر
بوقدر مهم نواقصله برابر او قدر فنا و یا کلس بریازی ایله یازلمشدر که
اوقیوب معنای صحیح استخراج ایلک غیر ممکندر نه لزله ارشدر دینم
حالد تکمیل بر نسخه سنی بوله مامشدم برکون بروسه مبعوث اسبقی
طاهر بک افندی خزینه خاصه مستشار اسبقی خالص افندیده بر نسخه سی
اولدیفنی خبر ویردی . دفعات ایله ایستدم مسأر ایسته دیکم بعض
کتابلر کبی ویرمدی .

سکره کتابلرینی اوتوز بش بیک لیرایه مقابل کویا معارف نظارتنه ساتدی . کتابلر دفترینه برابر اوچ سنه اول کتبخانه عمومییه کلدی . دفترینه باقدم (تذکره رامز) اسمنی کوردمدم بلکه بشقه براسم ایله یازلمشدر دیه کتابلرک ترتینه انتظار ایدیوردیم . حالبوکه کتابلر صندوقلردن دفتر موجبجه چیقاریلوب ترتیب اوزره قونولمقدم ایکن معارف نظارتنه عائد بعض مأمور طرفندن کتبخانهیه برخناح علاود اولنه حق اولوقت ترتیب ایدرز . شمایلک ترتیه لزوم یوقدر دینیلهرک کتابلر بربرینه قاریشدرلمش . حالبوکه اره دن اوچ سنه کچدیکی حالده نه کتبخانه توسیع اولندی . نه ده کتابلر ترتیب ایدیله بیلدی . (تذکره رامز) دن بشقه ده اارادیغم برقاچ کتابک هیچ برینی بولدیروب کورمک قابل اوله مدی . بوندن آلتی آی قدر اول معارف نظارتی مستشارینک یانه کیتدم کیفیتی آچدم . یاننده برذات اوطوریوردی . اوکا سویلدی . اوزات بکا بعض جوابلر ویردی بکا خطاب ایدن ذات کیم اولدیغنی سؤال ایتدم . بو کتبخانه ایشله علاقه دار اولان مکاتب عالییه مدیری صلاح الدین بک اولدیغنی آکلادم . نتیجه مذاکرده باش حافظ کتب اسماعیل افندی بوکون جلب اولنوب مذاکره اولنه جنی و برایکی کون طرفنده برچاردسی بولنوب کتابلرک ترتینه باشلانیله جنی وعدینی آلدیم .

حالبوکه اره دن دهابرقاچ آی کچدی . نه اسماعیل افندی جلب اولندی . نه ده کتابلرک ترتیبی اسبابی استکمال ایدلدی . بن بونکله ده قناعت ایتدم . مستشار بکه کیتدیگمی و کتابلرک ترتیبی وعد اولمش ایکن ترتیب اولمادیغنی اولوقت داخلیه ناظری بولتان فاضل محترم داماد شریف پاشا حضرتلرینه ده عرض ایتدم . مجلس وکلاده معارف ناظری سعید بک افندی به سویلک اوزره دفترینه قید و برقاچ کون سکره دیم ناظر بک افندی حضرتلرینه سویلیوب مذکور کتابلرک اجرای ترتیبی ایچوند

امرايدم چكى جوايى ده بنده كزم تبشير بيورديلر. اوتار يئندن صكره ده اره دن بر قاج آي كچديكى حالده معارفه ينه بر اثر تشبث ظهور ايتدى . سويله جكم چوق سوزلر واراماسويليله جك سوزلر انصافى دكل كين وعداوتى جلب ايدى يوردى . انسان فائده دن زياده مضرت كور يوردى . بر شرير ، نفسى ايچون هرايستديكى در حال يادير يوردى . بر ساعى خير نفسه مضرت وكندينه جلب عداوتدن بشقه بر شيئه موفق اوله ميوردى . كندى ذوق واستفاده مز ايچون قهرمان زمان كسلمكه برابر وطن خدمته كلنجه بمضير مزك كويا كه باشمزه قافا يرينه بر طاس چيرلمش و كوز يرينه ايكي دليك آچلمش و نور بصر يرينه ده منقش بر جام پارچه سى قونولمى . نه زمينى آكليوردق نه آسمانى ديكليوردق . ويريلان جوابلر نتيجه سز اوت پكى دن عبارت ايدى .

ايسته عزيزم طلب بيوريلان «رامزه» ك ممكن اوله بيلورسه اكالى صورتيه سزم بر مكمل نسخه تقديمندن غافل طور مديعى شوسطرلردن آكلارسكز . مع مافيه بوكونلرده اميدم بك واثقدر . زيرا ايش باشه كلن يكي قايينه ده جوال بر اثر جيات و فعاليت كور يورم . يكي تعيين بيوريلان معارف ناظري فخر الدين بك افدينك ، بو قدر معظم مشكلات ايچنده بيله فراموش بيورم يوب همان فرداسى كون كتبخانه عمومى به كملى و معقول و مستحسن بر طاقم تبليغات و ترتيباتده بولمى . بر فال خير عد ايلورم . بو قدر لده قناعت ايتيه رك بعض دواژدن فضله قالان مبالغ مرتبه يى كتبخانه عمومى قسمه نقل ايلديكى وبالذات معارف محاسبه جيسى ماله نظارتنه ، ديوان محاسبانه كوندروب بر كون ظرفنده مناقلات رسميه يى اجرا ايتدرديكى موثوقاً خبر آلايم كى بو كره كتبخانه عموميه انشاآه مباشرت ايتديرلديكى كوزمله ده كوردم . ايسته كوريلور كه بو خصوص ايچون بوندن ايكي سه اول چقان پنجى نومرولو مجموعه مده «معارف نظارت جليله سندن بر رجاه سرلوحه سيله

یازدیم مقاله دن باشلیه رق تمام ایکی سنه در تعقیب ایلدیکم حالد، یردمیر کؤک باقیر، دینه جک قدر مشکلات چیقاردقلری ویاپه مدقلری حالد شیمدی ایسه اوزمانلر، نسبتله الک مشکل برزمان ایکن برقاچ کون ظرفده ایجابی اجرا اولمشدر. بناء علیه صوک امیدمز اولان قاینه مز انشاءالله هر خصوصده موفق باخیر اولورلرده بزده بر درجه یه قدر مسرور و کامیاب اولورز. جناب حق توفیقات و تسهیلات کامله احسان بیورسون

تحریرات ادیبانه لرده نقش طراز سطور اولان (کتبخانه دولترنده البته موجود بولان خطاط افندی یه تعلیق خط ایله اولماز سه ورقه خط ایله اولسون استساخ ایتسک امر بیوریه رق) عبارده سنه قارشیده غفور عالی رینه مغروراً سکوت ایله کچمه جکم.

عجبا عموم مکتبلر مزده حسن خط وارمیدر که بزم کتبخانه مزده یولسون جناب حقت سزه احسان ایلدیکی ایجی کبی یازی بر موهبه ازلیه در. اسلاف کرامدن شیخ الاسلام ملا خسرو، قاضی مسکر باقی، ادیب مشهور قاضی ویسی، نابی، حشمت کبی فضل وادبامزک او تعلیق یازیلری نه کوزلدر دیه بیلیرم که همان عموم علما واکثر شعرا مز غایت کوزل تعلیق یازارلردی نسخ ورقه یازیلری ده بویله در.

درت بشیوز سنه مقدم باب مشیخت تعلیق خط نفیسنی قبول ایتمش و الحالده هده مشیخت محررات رسمیه سی او کوزل یازی ایله یازلمقده بولمشدر. شیخ الاسلام یحیی افندی مرحومک دیوان بلاغت عنوانک کچنلرده بر صورت ناقصده طبع ونشر اولمشندن طولانی بعضی ایضاحاتی حاوی ایام متعدد ظرفده اقدام غزته سنک ۶۰۹۴ نومروسندن ۷۰۱۳ نومروسنه قدر اولان نسخه لرله نشر ایلدیکم بقصل مقاله ده تعلیق یازیمز حقنده شوسوزلری یازمشدم :

لسان ویازی مسئله لری بک مهم برشیدر ایرانک قیمتدار یازیسی بلیق اولدینی کبی اورادن هندستانه قدر مکاتبه ادبیه نک اکثریسی

خدا تعالیٰ ایلده در اوتدندی عالیجناب پادشاهلر من بو خصوصی نظر
اعتبار الدقلری کبی محمد علی پاشا دخی تعالیٰ حرفلری مطبوعاته
تطبیق ایتدیردک زماننده خاقانی فریدالدین عطار، میرنظیف، سعدی
حافظ، فضولی، نائی، قدیم، ندیم نابی نحیفی عزت ملا کبی ذوات
فاضله نك یوزدن زیاده عالی اثرلری بویازی ایلده باصدردی. ادبیات
ترکیه نك انبساطنه بیوک خدمت ایتدی.

صکریه استانبولجه ده تعلیق حروفی دو کولدی. حلیه خاقانی، گلستان،
پند عطار، جزیره، مثنوی ایلده نسیمی دیوانی کبی بعض کتابلر باصدیرلدی.
شیخ غالب مرحومک اوقیمتدار دیوانی نه قدر سویملی در.
بش آتی سینه اول بر کون تصادفاً المده اولان شیخ غالب
دیوانی بر قاج مکتبلی افندیله کوستردم. اوقویه مدیلر، بزم مکتبلر ده
بویازی یوقدر دیدیلر. حیرتله ایچنده قالدیم.

خطوط متنوعه فنی اسلامله مخصوص برفن عالیدر. بن برچوق
فضلائی اجانبدن بویله عالی وتاریخی فنی ترک ایلدیکمزدن طولانی
تأسفلر ایشیدیورم.

حالبوکه شمدی مکتبلر مزده تعلیق، نسخ یازیلرک تعلیمی شویله
طورسون، کوزل یازی یازان بیله پک نادر. برچوق مکتوبلر آلیورم که
اوقونمقدن مبرا. مثلاً بریسی بر شعر یازیور املا یوق، دیکری
تاریخی بر مقاله یازیور حسن خط یوق. سوز آکلاتمق غیرقابل زیرا
بعضیلرینک عقللری—قبله لی زاده کبی—اسفل سافلینه قدر تنزل ایتمش ایکن
کندیلر نجه پک یوکسک. غالب پدیرلری ده او غلم شو یازدیغکیزیازی نه دردیورم.
لکن انصافجه سویلر سه ک مکتبلرایی یازده مامق خصوصنده ده معذوردر.
زیرا معلملرک تقریرلری، فصل یازی ایلده اولور سه اولسون پک سرعتله
ضبط اولتمق لازم ایتمش. ایشته بویچیمسز حاللر زواللی کنجلمزی
مفاخر مایه مزدن اولان او کوزل یازیلردن ده محروم ایدیورم.

بناءً عليه دكل بزم كتبخانه مزده ديه بيليرم كه حق استانبولده
كوزل يازى بولاق اندردز . واقعا بر افدى وارد كه پدرى خطوط
متوعده استاد اولق مناسبتيله و پدرينك سويله اولادى ده حسن خطه
مالكدر . مستشرق فاضل - لوز ماسنيون جنابلرينك ۲۳ نومرولى
نسخه مزده منظور عاليلى اولان ۲۳ تشرين اول سنه ۱۳۳۵ تاريخلى
مكتوبيله پارسدن طاب ايلديكى كيتابلرك استنساخيله مشغولدر .
يتمده بولنديغم بر سنه مدت ظرفده مستنسخلره يوزدن زياده
كتاب يازديرمدى . مستسخ بولمده اصلا زحمت چكمه دم ده غريبدر كه
اوزحمتى استانبولده چكيورم .

..

يمن بخى آجيلدى ده اوراده كوردوكم جوانمردانه معاونت و حيتدن
سزه بر مقدار بحث ايده يم :

«نفحات الغبر في تراجم اعيان القرن الثاني عشر» ناميله موسوم كوكان
قضاينده مصنف خطيله بر كتاب اولديغنى خبر آلام . كوكان بزم
اداره مزده اولديغنى ايچون يازوب كتيرتدم . استساخ ايتديروب اجر تيله
برابر اعاده ايتدم . مكر بو كتابك برنجى جلدى ايتش ايكنجى جلدنى
تحرى به باشلام خبر آلامكه مصنف خطيله اولان ايكنجى جلدى الحاله
هذه امام بولنان سيد يحيى حميدالدين حضرتلرينك ياننده ايتش .

بعض سادات كرام واسطه سيله مراجعت ايتدم . امام مشاراليه حضرتلرى
در حال كتابى كوندرديلر . بونى ده استساخ ومع التشكر اعاده ايلدم . مكر
كتاب اوچ جلد ايتش بوكره اوچنجى جلدنى تحرى به مجبور اولدم . ينه خبر
آلامكه اوچنجى جلدى مصنف خطيله اوله رق «صمده» ساداتى
زدنده ايتش . ايسته كوچلك بوراده ! چونكه (صمده) آريجه
برواسع قطعه اولوب نه عثمانليرك نه ده جناب امامك تحت اداره سنده در .
بعض سادات كرام واسطه سيله باشلى باشنه برادارددر .

امام شرف‌الدین سلاله‌سندن وصنعاذه کی احبادن (سید عبدالله بیت عبدالقادر) افندی ایله مشاوره ایتدم قولایدر دیدی .
 اینجاب ایدن ساداته مکتوبلری یازدی . نجات (ساعی) طرودی طاغدن طاغنه
 آشیره رق (صعده) قطعه‌سه کوندردی . مکتوبی او قورلر، باش اوستنه دیرلر .
 کتابی کیدن آدمه تسلیم ایدرلر . کتاب کلدی . استساخنه باشلا تدردم .
 اوصرمده استانبوله عودت ایتمک اوزره اولدیغمدن اچمه‌سنی سید عبدالله
 افندی به برافتم . استانبوله موصلتمدن التی ماء صو کره سید عبدالله افندی
 حساب بوصله سیله برابر کتابی کوندردی . اصل نسخه‌سنی ده محلنه اعاده
 ایتدی . ایشته بونادر کتابک هر جلدی یمک بر قطعه‌سندمه اولدینی حالده بنم
 کتبخانه‌مده ۱۴۰۰ صحیفه‌بی متجاوز اوله رق اوچ جلدی ده موجوددر .



سزه بر ایکنجی کتاب فقره‌سی ده عرض ایدیم : هیئتله تعز سنجاغنه
 کیتدک، اوراده بر ذاتمه کتاب الاحسان فی دخول مملکة الیمین تحت ظل عدالة
 آل عثمان، اسمندمه اوچ یوز سنه اول تألیف اولمش قیمتی بر کتاب اولدینی
 خبر آلام . قانونی سلطان سلیمان زماننده اولای یمک تعز قطعه‌سی ضبط
 اولندقدمه دوات عثمانیه طرفدن مؤلف کتاب اورایه قاضی تعیین اولمش
 مدتی الی التمش سنه قدر دوام ایتمش، بو کتابی یازمش، اونک وفاننده
 برینه اوغلی قاضی تعیین اولمش . اونک ده مدت قضای الی التمش سنه
 امتداد ایلدیکندن اوده پدرینک کتابی اکماله دوام ایتمش، آل عثمان
 دولتک ایلک حکومتی یمندمه یوز سنه قدر اولدینی حالده یکدیگرینه
 خلف اولان شو مبارک پدرله اوغلنک عمرلری دخی وفا ایلدیکندن
 شو تاریخی، بو ایکی ذات یازوب اکمال ایتمش . استساخ
 ایتدیرمک ایچون ایسته‌دم ؛ صاحبی ویرمک ایسته‌مدی . سببی ده
 وقیله بر متصرف مطالعه ایتمک ایچون کتابی ایسته‌مش، کتاب
 بر نسخه نادره اولدیغندن یارانلی ویرلامک طرفدارلی بولمش . بونک ده

قابل اوله میه جغنی ا کلامالری اوزرینه بر احتیاط اولوق اوزره کتابک
جلدینی سوکمشلر، هربری بر جزئی یازمش، یازدقلری نسخہ یی یانلرندہ
آلیقویوب اصلنی متصرفه ویرمشلر . صکرہ بوکون یارین دیرک
فی الحقیقه کتابی اعاده ایتماش، آلوب برلکده کوتورمش . بو متأسف
خبری ایشیدنجه کتاب صاحبه حق ویردم . بلدیہ رئیسینی جلب ایتدم .
مستسخی یانہ ترفیق ایدوب کوندردم . ایستر خانہ سندہ ایسترہ بلدیہ
دائرہ سندہ یازلمسینی تکلیف ایتدم . صاحبی قبول ایدرک کتابی بلدیہ
دائرہ سنہ ویردی . بو صورتہ استساخه موفق اولدم .

مبارک باشکزی آفریدیورم اما سزه دها بر اوچنجی کتابدن
بحث ایدم حکم . « فوائد الرحله و نتائج السفر فی تراجم اعیان القرن الحادی
عشر » نامندہ شیخ مصطفی بن فتح الله الحموی نک بر کتابی اولدینغی
وروم ایلی وانا طولی وهر بستانی طولاً نه رقی بو ممالک واسعه نک فضلا وادباسیلہ
ملاقات و تدقیقات اجرا ایدرک بو کتابی یازدینغی و اخیراً یمہ کیدوب
اوراده وفات ایلدیکنی بیلوردم . بو مناسبته صنعاده حدیده ده بو کتابی
چوق آرادم بوله مدم .

بن تعزده ایکن یمن نقیب الاشرافی (سید محمد امین افندی) تعزہ
کلدی . ملاقات ائناسندہ بو کتابدن بحث ایتدم . دیدی که بو اسم ایله
او کتابی یمندہ بیلمز لر . او کتابک یمنجه اسم مشهوری (تاریخ حموی) در .
بیت الفقیه قضای داخلندہ مرکزہ دوت بش ساعت مسافه ده بر
قریہ ده مقیم سید عمر نامندہ بر ذات وارد در . او کتاب او ذاتہ در . فقط
نسخه نادره اولدینی ایچون کیسه یه ویرمز (بیت الفقیه) قائم مقامنه یاز
مید عمره آدم کوندرسون و (نقیب الاشراف) ک خبر ویردیکنی
سویلسون کتابی الذیرسون دیدی .

بن در حال « بیت الفقیه » قائم مقامی عبدالقادر افندی یه تلغراف
یازدم . قائم مقام بکدن آلدیم جواب نامه ده اوراسی اشقیا یدندہ اولوب

آدم کوندرمك قابل اولمديغنى اكر معيته مقدار كافى عسكرويريليرسه بالذات كيدوب كتابى آلهيله چكنى بيان ايتدى .

بوكرده در حال مشير فيضى پاشا حضر تلى رينه تلغرافله مراجعت ايتدم .
 اينجاي قدر عسكرك سوقنى امر ايلدى . قائم مقام افدى مقدار كافى .
 قوه عسكريه يى مستحجاً حركت ايتدى . يولده ماشقيايه تصادف ايلدى .
 واقع اولان محاربه نتيجه سنده مظفراً قريه يه داخل اولديلر . (نقيب
 الاشراف) افدينك تأميناتى سيد عمر افدى به تبليغ ايدرك كتابى آلوب
 عودت ايتديكنى يالكز كنديسيله برقاچ نفر ك البسه سنه قورشون اصابت
 ايتمش ايسه ده حمد اولسون بركونا تلغات وقوع بولمديغنى تلغرافله بيان
 ايتدى . بنده تشكرله برابر حديد يه عودت ايدنجيه قدر كتابك
 ياننده محافظه ايدلمسنى تلغرافله توصيه ايتدم . اون بش كون صكره
 حديد يه عودت ايتديكمده قائم مقام بك كتابى بالذات الهرق حديد يه
 كلدى .

كتاب بريوك جلد ايدى . لكن كتابك كنار لرني فاره لر ، بوجكلى ريمش ؛
 كويا محافظه ايچون چيريشله بز پارچه لرى ياپشديرلمش اولديغنى كچى غريبدر كه
 بعضى لر رينه ده غايت اينجه تحته پارچه لرى ياپشديرلمشدى . كوزل بر مستسخ
 طو توب يازدير دم . كنار لرده چوريوب دو كيلان يرلرى الحاله هذه
 كتابمه آچيق دور ييور .

كتابك اكالندن صكره سيد عمره بر تشكر نامه يازدم . كتابى يكر مى
 عثمانلى ليراسيله برابر قائم مقام افدى به كوندردم . قائم مقام افدى
 بر سابق معيته عسكرك الهرق كيدوب كتابى تسليم ايتدى . سيد عمر افدين
 آلدينى مقبوض علم و خبريله بر تشكر نامه و او صروده بيت الفقيهه عودت
 ايدن نقيب الاشراف سيد محمد امين افدين دخی تقديرى حاوى بر
 مكتوب الهرق حديد يه كلوب بند كزه تسليم ايلدى .

حيفا كه بريوك جلد اولمق اوزره عين حرفه قدر در . بن ايكي جلد

اوله رق تیپیز ایتدیردم . کتبخانه مدده موخوددر . ایکنجه جلدنی بیلن
و خبر ویرن بولورسه عشق اولسون .

تجموعه مک ۱۹ نجی نسخه سنده (خادم و حافظا مانات مبارکه، خلفای
جليله عثمانیه نك شرف سلسله سیادتلی و علم جلیل انسابك فوائدی)
بختنده بیان ایلدیکم وجهله بن اهالیسی غایت تاریخ آشنادرلر .
اك قدیم قوم نجیب عربدن اولدقلری و دولت عثمانیه نك ده چوقلق
لطفنی کورمدکلری حالده معجزات تاریخ قوتیه درکه ملیته، قومیه
باقیه رق حالا عثمانلی دولندن آریلورلر و قطعاً آریلق ایسته میورلر.
بریا کلساق ازی اوله رق کندیلریله حرب ایتدیکمز زمانلرده بیله ایستدیکم
کتابلرک هیچ برنی عالیجنابانه بر صورتده دریغ ایتدیلر .

شیمدی بوذاتلرک برقاج کونلک یولدن بربرینه سبقت ایدرک
و آثار حیت و جوانمردی و نجات کوسترمه رک استنساخ ایچون کوندردکلری
کتابلری، برده خالص افندیك کتابلرینی اوتوز بش بیت لیرا مقابلنده
معارفه صائمش ایکن مجموعه مک متعدد نسخه لرنده بیان ایلدیکم وجهله
تفعی نك رسمی حاوی دیوانی و كذلك جهانشانك اوچ لیرایه آلمش
اولدینی دیوانی کبی ایکی بیک قدر کتابی کتم ایدوب ویرمامسینی
واستنساخ ویا کورمک ایچون طلب ایدنلر دنده دریغ حیت ایتمسینی
دوشونکمز . بودید کلرم کونشک بر طاقم یالان تاویلات ایله بالچقده صیوانیه
جنی قدر بر حقیقتدر . و برده خالص افندیکن و صاحب ملا زاده لر دن
ورضا پاشا مرحومدن آنان اون بش بیک کتابک معارف نظارتجه
ترتیب صرمه نه قوللق اسبابی استکمال ایدلدیکندن طولانی ارباب
مطالعه یه اوچ سنده نبریدر بر کتاب ویریه مامسینی، یعنی بویله يك قولای
برایشده بیله شیمدی یه قدر دریغ همت ایلدیکنی دوشون . نورعیم
هر حالزه هر غفلتمزه باقده آغلا دوشون .